

Inatsisartut suleriaasiat § 37 immikkoortoq 1 naapertorlugu matumuuna Naalakkersuisunut apeqqutit imaattut saqqummiuppakka:

- 1. Naalakkersuisut pilersaaruteqarpat Qasigiannuani Qeqertarsuarmilu innuttaasut Aasianni Napparsimmavimmut saaffinginnittarunnaarnissaanik ualikkut sisamap kingorna?**
- 2. Qasigiannuani nakorsiarniaraanni ullut 21-it angullugit utaqqisoqaqqaarsinnaavoq, tamanna aaqqinniarlugu maannakkut suliniutit suuppat?**
- 3. Qasigiannuani nakorsaqarnissaa pillugu qulakkeerinnittoqarsimava?**
- 4. Peqqinnissaqarfinni sulisunik atorluanaanissaq siunertaralugu illoqarfinni mikisuni suut pilersaarutaappat?**

(Inatsisartuni ilaasortaq Kristian Jeremiassen, Siumut)

Tunggavilersuut:

Kissaatingivara Qasigiannuani Qeqertarsuarmilu napparsimmaviit eqqarsaatigalugit Naalakkersuisut siuliisa politik-iat Naalakkersuisut nutaat Siumut siuttoralugu ingerlateqqissanngikkaat. Naalakkersuisut siulii Inuit Ataqtigiit siuttuliullugu sullissineq pittanngorsarneqarniaraluartoq akerlianik ajorsingaluttuinnarsimavoq tamannalu innuttaasunut kipiluttunarpoq.

Isumaqarpunga ullut 21-it angullugit nakorsiarniarluni utaqqisarniaraanni kingusinaartoqarsinnaasoq inummullu sunniuteqarnerlulluni taamaattumik tamanna aaqqinniarlugu suliniutit suunersut aamma paaserusuppakka.

Sisamaattut apeqqutigaara peqqinnissaqarfinni sulisunik atorluanaanissaq siunertaralugu illoqarfinni mikisuni suut pilersaarutaanersut, tassami soorlu Qasigiannuani nunaqqateqaratta inuusuttumik aaviisutut ilinniangaqarsimasumik atorluarneqarsinnaasumik. Isumaqarpunga ilinniagaqareerlutik illoqarfimminnut utertut periarfissaqartariaqartut sulisinnaanissaminnut, taamaalillutik illoqarfimminni sulisinnaanissaat qulakkeerneqassammat.

Qasigiannuani Qeqertarsuarmilu peqqinnissarqarfiup tungaatigut ilungersorpungut, Naalakkersuisullu allannortitsisariaqarput Aasiaat napparsimmavianut saaffinginnittarneq taamaatillungu, kingulliunneqartutummi misingisimagatta.

Apeqquteqaatimma ullut suliffiusut qulit iluanni akineqareersimanissaat kissaatigaara.